



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Malvm Svmmi Mali Sive De infinita grauitate peccati  
mortalis Libri Qvinq[ve]**

**Pelecycus, Johannes**

**Monachii, 1615**

IX. Quid actione & paßione sua Christus effecerit?

[urn:nbn:de:hbz:466:1-52025](https://nbn-resolving.org/urn:nbn:de:hbz:466:1-52025)

Datus ergo, & redditus, me pro me debeo, & bis debeo. Quid Deo retribuam pro se? Nam etiam si me millies repēdere possem, quid sum ego ad Deum?

## CAPVT IX.

*Quid actione & passione sua Christus effecerit?*

**R**Econciliauit nos Deo, hostemque adeo eum, quo nocentiorē & atrociorē nō habemus, videlicet peccatum, vitit & profligauit. Id enim olim Deus per Prophetā se facturum promisit his verbis: *Auferam iniquitatem terræ illius, in die vna, passionis scilicet.* Fecit deinde quod promisit; *vulneratus enim est propter iniquitates, attritus propter scelera nostra,* ait Esaias. Confirmat id D. Paulus, cum ita scribit: *Deum suum mittens in similitudinem*  
Zach 3 9.  
Es. 53. 5.  
Rom 8. 3.  
V      carnis

carnis peccati, & de peccato damnatum  
 i. Jo. 2. 2. peccatum in carne. Et D. Ioannes  
 Ipse est propitiatio pro peccatis nostris  
 non pro nostris autem tantum, sed et  
 iam pro totius mundi. Et quando  
 peccatum animam inquinat, iuxta  
 superius dicta, ab ijs sordibus  
 eam Christus lauit, iuxta illud:  
 Apoc. 1. 5. Dilexit nos & lauit nos  
 peccatis nostris in sanguine suo, &  
 aquam quæ de latere illius in  
 cruce fluxit, & mundans super  
 niuem dealbavit. Quia rursum  
 peccatum suo modo pœnæ suæ  
 temporaria, siue æternæ, ut &  
 reliquis inest, ab his quoque nos  
 Rom. 8. 1. abluit, sicut in nobis iuxta Paulum,  
 nihil damnationis existat, peccatum  
 scilicet omne, ut nubem, quemadmodum  
 Es. 44. 22. Propheta loquitur, dissipans  
 & consumens penitus, vel demergens,  
 & projiciens omnia in profundum  
 Mich. 7. 19. maris, qui Micha & mo-  
 dus loquendi est. Non sustulit  
 autem

autem solum peccata, sed & gra-  
 tiam iustificantem, & alia dona  
 spiritalia nobis impetrauit, ani-  
 mamq; adeo, sordibus omnibus  
 absterfis, miro gratia virtutuq;  
 decore exornauit. Id ostendit D.  
 Paulus in hæc verba: *Si vnus de-* *Rom. 5. 17.*  
*licto mors regnauit per vnu* (scilicet  
 Adamum) *multo magis abundan-*  
*tiam gratia, & donationis, & iusti-*  
*tie accipientes, in vita regnabunt per*  
*vnium IESVM Christum &c.* Ad-  
 dit eodem capite: *Vbi abundauit*  
*delictum, superabundauit & gratia.*  
*Ut sicut regnauit peccatum in mortem;*  
*ita & gratia regnet per iustitiam, in*  
*vitam eternam per IESVM Christum*  
*Dominum nostrum &c.* Sicq; in gra-  
 tia nobis spiraculum vitæ in faciem  
 inspirauit, vitam vimirum celestem.  
 Genuit tertio nos verbo verita-  
 tis, vt Iacobus inquit, adeo que *Iac. 1. 8.*  
*filij eius sumus iuxta D. Ioanne, ad-* *i. 3. 1.*  
*optione scilicet. Quod si filij & hie-*  
 V 2 *redes*

- Rom. 8.17.* *redes Dei*, Paulo teste, hæreditatis opulentissimæ & ternæ gloriæ. Ad eam hæreditatem capescendam, legibus quartò, & mandatis salutaribus propositis, cælis aperto reſeratoque viam monstrauit, quâ inire debemus; *Ed.*
- Hebr. 5.9.* *Etus enim est omnibus obtemperantibus sibi caussa salutis*; Opportunis verò remedijs ad id faciendum iuuat. *Victorem etiam nostrum Diabolum*, iuxta vaticinium *Esaiaë*, percussit, vulnerauit *Dracorem*, exanimemque, vt *Gregorius Nazianzenus* loquitur, *mortuum & immobilem reddidit, vel alligauit certè ad mille annos, diem nempe extremi iudicij. Mortem tandem, morte* (verba sunt *D. Augustini*) *vestitus occidit.* & iuxta *Paulum, absorpsit*: Temporalem quidem in die iudicij, tunc enim quos deglutiuit euomet illa. Interim, hominem mors hæc
- à pecc-

à pecc  
tolera  
tyres  
nus re  
tiosa, j  
Bernar  
consum  
Etæ sec  
morte  
uator  
nis er  
reum  
cum  
xit. E  
incon  
sic vt  
perun  
poliu  
malor  
Stillan  
colles  
vos et  
rupes  
gredi

à peccatis deterret, & fortiter  
 tolerata, præclaros Christi mar-  
 tyres efficit; dilectis etiam som-  
 nus refrigerij est, & sanctorum præ-  
 tiosa, finis scilicet, secundum D. In Serm.  
 Bernardum, laborum, victoria de S. Mal.  
 consummatio, vita ianua, & perfe-  
 ctæ securitatis ingressus. Æternam  
 mortem iusti soli, beneficio ser-  
 uatoris nostri, superabunt. Bo-  
 nis ergo omnibus Christus, au-  
 reum omnino propitiatorium, nos  
 cumulauit, cornu salutis nos ere-  
 xit. Ecclesiam postremo ipsam  
 incomparabili thesauro ditauit,  
 sic vt ærarium publicum sit pau-  
 perum, fons gratiæ, pharmaco-  
 polium omnium medicinarum,  
 malorum omnium remedium;  
 Stillant iam montes dulcedinem, & Ioc. 3. 18.  
 colles fluunt lacte, & per omnes ri-  
 vos eunt aquæ, deserta germinant,  
 rupes fructibus replentur iustitiæ. In-  
 greditur & egreditur homo, & pas-

cua inuenit. Et quomodo omnia nos  
 desinet is qui seipsum nobis donauit. Do-  
 natus ergo Deus, & pater Domini  
 Eph. 1.3. nostri IESU Christi, qui benedixit nos  
 in omni benedictione spiritali in cae-  
 lestibus, in Christo. sicut elegit nos in  
 ipso ante mundi constitutionem, ut es-  
 semus sancti & immaculati. Bene-  
 dicta sint etiam Christi opera,  
 quae fructu sunt dulcia, virtute  
 efficacia, actione potentia, me-  
 rito gloriosa, effectu miraculo-  
 sa, dignitate sublimia, magnitu-  
 dine immensa, numero infinita.  
 Benedictum nomen IESVS, be-  
 neficiorum eius omnium epilo-  
 gus. Maledictum autem pecca-  
 tum, quod his omnibus priuat.  
 Dei, & acrem & asperam me-  
 dicinam vidimus, vi-  
 deamus & no-  
 stram.

CA-